

**Aalisarnermut, Piniarnermut Nunalerinermullu ataatsimiititaliamit****ISUMALIUTISSIISSUT****Uunga tunngasoq:**

**Neriniartitsivinni neriniartitsinerup naatitanut nungusaataangitsumik ingerlanneqarsinnaanera pillugu Naalakkersuisut misissueqqullugit peqquneqarnissaannik Inatsisartut aalajangiiffigisassaattut siunnersuut. Misissuinermit ullumikkut uumasuutitut neriniartitsiviusut nunaminertallu taakkua qanittuaniittut ilanngullugit nalilersorneqassapput uumasut qassit naasoqassutsip nammassinnaaneraa, taamaalilluni piffissaq sivisunerusoq eqqarsaatigalugu tunisassiorsinnaaneq pitsaanerpaaq qulakkeerumallugu. Misissuinermit inerniliussaq UPA-2018-imi saqqummiunneqassaaq.**

*Inatsisartunut ilaasortaq Jens Immanuelson, Siumut*

**Siunnersuutip aappassaaneerpeqarneranut tunniunneqartoq**

Suliarineqarnerani Ataatsimiititaliami kingullermik uku peqataapput:

Inatsisartunut ilaasortaq Karl-Kristian Kruse, Siumut, siul.

Inatsisartunut ilaasortaq Michael Rosing, Demokraatit, siul. tull.

Inatsisartunut ilaasortaq Jess Svane, Siumut

Inatsisartunut ilaasortaq Ane Hansen, Inuit Ataqatigiit

Inatsisartunut ilaasortaq Hans Aronsen, Inuit Ataqatigiit

Inatsisartunut ilaasortaq Villy Olsvig, Inuit Ataqatigiit

Inatsisartunut ilaasortaq Henrik Fleischer, Partii Naleraq

Ulloq 6. oktober siullermeerereermermi Ataatsimiititaliap siunnersuut misissorpaa.

**Siunnersuutip imaa aamma siunertaa**

Neriniartitsinerup naatitanut nungusaataangitsumik ingerlanneqarnerata misissuisoqarnissaannik Naalakkersuisut peqquneqarnissaat siunnersuutip kingunerissavaa. Misissuinermit neriniarfiusartut aamma nunaminertat taakku eqqannguaniittut uumasuuteqarnermit ullumikkut atugarineqartut qitiutinneqassapput, kiisalu uumasut qassit nerisarineqartunit attanneqarsinnaanersut nalilerneqassalluni. Ilaatigut sinnilimmik neriniarfigineqartarnissaat pinngitsoortinniarnearpoq, kiisalu piffissaq ungasinnerusoq eqqarsaatigalugu nioqqutissiornerup qaffasinnerpaanissaa isumannaarniarneqarluni. Misissuinermit inerniliussat UPA 2018-imi saqqummiunneqassapput.

**Inatsisartut siunnersuummik siullermeerinerat**

Siunnersuut ajunngitsumik assigiinngisitaartumilli ilalersorneqareerluni Aalisarnermut, Piniarnermut Nunalerinermullu ataatsimiititaliami suliareqqitassanngorlugu innersuunneqarpoq.

**Tusarniaanermi akissutit**

Aalisarnermut, Piniarnermut Nunalerinermullu Naalakkersuisoqarfiup siunnersuut tusarniaassutiginiuuua. Tassunga atatillugu tusarniaanermi akissutit assilineri ataatsimiititaliap pissarsiariniarsimavai, taakkulu isumaliutissiisummut tapiliunneqarput.<sup>1</sup>

**Ataatsimiititaliap siunnersuummik suliaqarnera**

Neriniarfiusartut nungusaataannngitsumik atorneqarnerinut tunngaviusariaqarpoq, uumasut neriniartut amerlassusiat neriniarfinni naanernut pilersinnaasunut amerlassutsikkut nallersuussinnaasariaqarnerat.

Tassunga atatillugu ataatsimiititaliap maluginiarpaa, Nunalerineq pillugu Inatsisartut Inatsisaat nr. 5, 2. Maj 1996-imeersoq tunngavigalugu Naalakkersuisut neriniartitsiviit atorneqarnerannut maleruagassanik aalajangersaasinnaanerat (inatsisitigut tunngavissinneqartoq) tassuunakkullu (ilaatigut) neriniartitsivinni atuivallaarneq mianersuutigineqarsinnaalluni, kiisalu nunami neriniarfuaallaarsimasuni naaneri pilerseqqinneqarsinnaallutik. Neriniarfinni ataasiakkaani uumasut amerlassusiat pillugit kiisalu qaqugukkut neriniartoqarsinnaaneraniq malittarisassat aalajangerneqarnerisigut Naalakkersuisut taamaalillutik neriniarnerup annertussusissaa pillugu naleqqussaasinnaatitaapput.

Tassunga tunngatillugu Nunalerineq pillugu inatsimmut isumaliutissiisummi<sup>2</sup> allassimasoq ataatsimiititaliap maluginiarpaa:

*“Aalisarnermut ataatsimiititaliap tunngaviatigut isumaqarpoq, nunalerinikkut inuussutissarsiorneq nungukkiartuutaannngitsumik tunngaveqarluni ingerlanneqassasoq, assersuutigalugu nunat neriniartitsisarfiit narsaatillu atupilunnginneqannginniassammata nunap nungujartulersinnaaneraniq kinguneqartumik, taamaammatt Ataatsimiititaliap inatsisissatut siunnersuutip siullermeerneqarnerani Atassutip savaateqarfinni ataasiakkaani nersutaatit amerlassusiisa neriniartitsivigineqartut pissarsiffigineqarsinnaassusiannut naleqqussarneqarnissaannik oqaasii isumaqatigai.*

*Ataatsimiititaliap oqaluuserinninnerani siunnersuummi § 5, 6 kiisalu 13-p imarisai sukumiisumik misissorneqarput, aalajangersakkatigut taakkunatigut naammattumik*

<sup>1</sup> Tusarniaaneq marloriarluni oqarasuaatikkut oqaloqateqarnikkut ingerlanneqarsimavoq, tassanilu Nunalerinermik Siunnersorteqarfik aamma Kalaallit Nunaanni Pinngortitaleriffik Aalisarnermut, Piniarnermut Nunalerinermullu Naalakkersuisoqarfimmit oqaloqatigineqarsimapput. Tassunga tunngasunik Naalakkersuisoqarfik oqaloqatigiinnerit ataasiakkaarlugit Telefonikkut Iisimatitsissummik taallugu allakkiorsimavoq, tamatumalu kingorna taakku aamma ”tusarniaanermi akissutit” isigineqassapput.

<sup>2</sup> Nunalerineq pillugu Inatsisartut inatsisissaattut siunnersuut ( UPA 1996/24), Inatsisartut Aalisarnermut ataatsimiititaliaa, 29. april 1996.



*illersorneqarsinnaasumik ingerlatsinissaq aamma neriniartitsisarfinni, kiisalu savaateqarfinni ataasiakkaani nersutaatit amerlassusiisa aqunneqarsinnaanerat isumannaarneqarsimanersoq takuniarlugu.”*

Neriniarfiit isumannaarnissaannut sunniuteqarluartumik inatsimmi aqutsisoqarnissaa Nunalerineq pillugu inatsisip akuerineqarnerani taamaalilluni aamma tunngaviorpasippoq, taamaalillunilu aamma (toqqaannartumik imaluunniit toqqaannanginnerusumik) nakkutilliinissamut Naalakkersuisut Inatsisartut Aalisarnermut ataatsimiititaliaanit pisussaaffilerneqarsimallutik. Aqutsinermi taamaalillutik allaqussassaangitsumik (pissusissamisootumik) neriniarfiit qanoq innerat pillugu ilisimasanik tigussaasunik piffissamullu naleqqussakkanik tunngaveqarneq naatsorsuutigisariaqarpoq, taamaattoqanngippammi aaqquussinerit sunniutai aamma annertunerusumik iliuseqaratarnissamut pisariaqartitsinerup periarfissaqarnera Naalakkersuisut nalilissallugu ajornakusoortissinnaassammassuk.

Tassunga atatillugu ataatsimiititaliap maluginiarpaa, Neriniartitsivinnik nersutaatinillu malittarisassaqartitsinikkut aqutsineq pillugu Namminersornerullutik Oqartussat nalunaarutaanni nr. 22, 8. september 2000-imeersumi allassimasoq, nersutaatinut neriniarfissatut killiliunneqarsimasuni nersutaatit neriniartitassat amerlanerpaaffissaat Naalakkersuisut aalajangersartassagaat, tassanilu pineqarput neriniarfissatut killiliunneqarsimasut iluini uumasuutit neriniartussat amerlanerpaaffissaat. Aalajangersaaneq pisassaaq ukiumoortumik imaluunniit pisariaqartitsineq naapertorlugu.

Nalunaarummi taaneqarportaaq, nersutaateqarnermik ingerlatsisut tamarmik nunaminertanik neriniartitsivissanik agguavigineqassasut nersutaatiminnut neriniartitsivigisinnaasaminnik, nersutaateqarnermik ingerlatsiviit nunaminertamik agguavigitissimannngisaanut. Akuersissut ukiumut ataasiarluni tunniunneqartarpoq, aalajangiinermilu tunngavigineqarpoq, neriniartitsivissanik isumalluutinik atuiluarluni nungusaataangitsumik atuisoqarnerasoq pingaartinneqassasoq.

Tassunga atatillugu Nunalerinermik Siunnersorteqarfik ima paasissutissiivoq:

*”...savanut neriniartitsivinnut tunngasunik misissuinerit paasisat kingulliit 1980-ikkunnili ingerlanneqarnikuusut. Taamanili misissuinerit annikinnerusut ingerlanneqarsimapput, 1980-ikkunniilli nutaajunerugaluarlutik neriniartitsiviit ungalutaasa eqqaani ungalunik nappaanerup nalaani misissuinerneersuullutik. Ilutigalugu Nunalerinermik Siunnersorteqarfik ilisimatitsivoq ukiup ilaata ataasiinnaap ingerlanerani neriniartitsivinnik nungusaataangitsumik atuinissamut misissuinerit paasissutissanik naammaattunik pissarsinissamut naammaanngimmata.”*

Kalaallit Nunaanni Pinngortitaleriffiup uppersarppaa, ”narsaatini neriniartitsivinni savat nerinerisa qanoq annertutigisumik nammassinnaaneraniq uppersaatitalinnik misissuinerit

*amigartut.*” Tassungalu atatillugu taaneqarluni, “*sumiiffinni assigiinngitsuni naasoqassutsip qanoq nammataqarsinnaatiginera allanngorartuusooq, taamaammat naasoqassutsimut misissuinerit sumiiffinni assigiinngitsuni ingerlanneqarnissaat pisariaqassasooq.*”

Tamatuma malitsigisaanik ataatsimiititaliaq isumaqarpoq, neriniartarfiit qanoq ittoorpiarnerat attassisinnaavinnerallu pillugit ilisimasanik pigisaqartoqanngippat, neriniarfissatut killissarititaasut Naalackersuisunit isumatuumik aalajangersarneqartarnersut ilaatigut apeqquserneqarsinnaasooq.

Tassunga atatillugu ataatsimiititaliap akuersaarpa, paasissutissanik amigaateqarneq neriniartarfiit attassisinnaanerannik ulorianartorsiortitsinermik kinguneqartariaqanngitsoq – paasissutissalli allat amigaataaneranni tamanna aamma assortorneqarsinnaanngitsoq.

Tassunga tunngatillugu siunnersuuteqartup taavaa, attassisinnaaneq taamaalillunilu piujuartitsineq tatineqarsinnaasooq ilimagisnaallugu. Taamatut ilimagisaqarneq siullermeerinermi Naalackersuisut akissuteqaataanni isumataaffigineqarpassipooq, akissuteqaammimi nassuerutigineqarmat, Kujataani sumiiffinni arlaqartuni ukiuni kingullerni nunap panerana pissutaalluni sippulimmik neriniartoqarsimasinnaammat. Taamatut ilimagisaqarneq aamma nalunaarusiami Norges Teknisk- Naturvidenskabelige Universitet-imit 2008-mi saqqummersinneqartumi<sup>3</sup> ilaatigut ilimanarnerulersinneqarpoq, tassanimi pineqartoq tassaavoq Atlantikup avannaani nunani savaateqarneq pillugu misissuisimaneq, nalunaarusiamili imaritinneqartut periaatsillu misissuinermi atorneqartut annertunerusumik ataatsimiititaliamit isummorsorfigineqassanngillat. Illuatungaani Nunat Avannarliit Siunnersuisoqatigiivinit (2009-mi) taaneqarpoq, Kalaallit Nunaanni Savalimmiutuulli neriniarpallaarnermi nunamilu naanertanik nungullarsaanermik ajornartorsiuteqartoqartoq, tamannalu nunamik neriuinermik/ningullarnermik kinguneqartartoq, najukkanili sippulimmik neriniartoqartaraluartoq, Kalaallit Nunaanni taamanikkut savat amerlassusiat 20.000-t missaaniittut marloriaatinngortinissaannut inissaqaraluartoq<sup>4</sup>.

Ataatsimiititaliap Naalackersuisunit akissuteqaat ima paasimavaa, nungusaataanngitsumik neriniartitsisarneq pillugu misissuinissaq Naalackersuisunit tunngaviatigut akerlerineqanngitsoq<sup>5</sup>, kisiannili siunnersuutip aningaasarnikkut kingunissai aamma misissuinerup naammassinnaanut piffissaliineq Naalackersuisunit ilaatigut nangaassuteqarfiusut, taamaattumillu Naalackersuisut ataatsimut isigalugu siunnersuummik

<sup>3</sup> ”Sheep grazing in the North-Atlantic region – A long term perspective on management, resource economy and ecology”. Norges Teknisk- Naturvitenskapelige Universitet (NTNU), Trondheim, november 2008, qupp. 45 aamma 53.

<sup>4</sup> Nunani avannarlerni savat tuttullu nungusaataanngitsumik neriniartarnerat pillugu paasissutissat, Nordisk Ministerråd, august 2009.

<sup>5</sup> Naalackersuisut akissuteqaataanni taamaalilluni allassimavoq, ”Naalackersuisut taamaammat sulissutiginiarpaat neriniartitsiviit immikkoortut sukumiisumik misissorneqarnissaat, nerukkaatissanik amigaateqarlersinnaanermut illersorsinnaanissaq taamalu nunalerinerup tunngaviatigut ingerlaannarnissaa pakkersimaarniarlugu.” Nangillugulu allassimavoq: ”Naalackersuisut nalunaarusiap inerneru innersuussutaalu ingerlateqqissavai nungusaataanngitsumik ivigartorneq pillugu, tassungalu atatillugu periarfissanik ujartuineq, tassani ilaallutik neriniartitsivinnik alliliineq aammalu nuna nerukkaatissanik naatitsiffissanik ujartuinermi.”



itigartitsinissamat inassuteqartut.

Tusarniaanermi akissutit tunngavigalugit naammalluartumik misissuinissamat ukiuni arlalinni paasissutissanik katersinissaq nalilersuinissarlu qularnanngitsumik tunngaviliunneqartussaasoq, taamaattumillu misissuineq piffissamat neriniarfiusumut ataatsimut killilerneqarsinnaanngitsoq ataatsimiititaliap akuersaarnartippaa. Tamatumalu malitsigisaanik ataatsimiititaliap akuersaarnartippaattaaq misissuinermi periaasissap annertussusiviatu kiisalu aningaasaqarnikkut kingunissai sukumiinerusumik paasisaqarfigissallugit pisariaqarsinnaassasoq. Tamatumani Inatsisartut paasisaqarnermik tunngaveqarlutik aalajangiisinaanerat isumannaarniarneqarpoq. Tamanna tunngavigalugu allannguutissatut siunnersuut una saqqummiutissallugu ataatsimiititaliaq pissutissaqarpoq:

*Nungusaataannngitsumik neriniartitsisarnerup misissorneqarnissaanut UKA 2017-imi siunnersuummik Naalackersuisut saqqummiusseqqunissaanut Inatsisartut aalajangiiffigisassaattut siunnersuut, tassanilu misissuinermi periusissat, piffissalersuineq aamma akissaajaatit imaritinneqassapput. Misissuinermi neriniarfiusartut nersutaateqarnermut ullumikkut atorineqartartut eqqannguaniittullu aallaavigineqassapput, kiisalu nungusaataannngitsumik atuineq innarlinngikkaluarlugu neriniarfinni nerisaqarneq qanoq annertutigisoq attanneqarsinnaanersoq pillugu naliliinermik imaqaassalluni.*

Allannguutissamik siunnersuuteqarnikkut ataatsimiititaliap siunnersuummut tunngaviatigut akuersaarnini naqissusissallugu kissaatigaa, taassumalu saniatigut misissuinerup pissusiviusutigut aningaasatigullu kingunissai pillugit ilapittuuteqarusulluni, ilanngullugulu misissuinerup naammassineqarnissaanut sivisussusissaa pillugu piviusorsiortumik piffissaliinissaq.

Paatsoortoqaqqunagu ataatsimiititaliap tassunga atatillugu oqaatigissavaa, ataatsimiititaliaq isumaqarluinnarmat allannguutissatut siunnersuummi marlunnik periarfissaqartoq, tassami Naalackersuisut aalajangiiffigisassatut siunnersuummik saqqummiussinissaq toqqarsinnaammassuk imaluunniit misissuineq 2018-imi aningaasanut inatsisissatut siunnersuummut toqqaannartumik ilanngunneqarsinnaassalluni.

### **Siunnersuutip aningaasaqarnikkut kingunissai**

Inatsisartut suleriaasianni § 33, imm. 1-imi allassimavoq, aalajangiiffigisassatut siunnersuut tunngavilersugaassasoq siunnersuutillu aningaasatigut allaffissornikkullu kingunerisassai allaaserineqarsimassat.

Taamaattorli siunnersuutip piviusunngornerani aningaasatigut kingunissai pillugit saqqummiussinerit naammattutut isumaqarnanngillat. Taamaalluni tusarniaanermi akissutit aamma siullermeerinermi akissuteqaatip ilimanarsisippaa, nungusaataannngitsumik neriniartitsinermik misissuinissaq aallaqqaammut siunnersuummi saqqummiunneqartumit qularnanngitsumik suli annertunerussasoq.

Tamatuma malitsigisaanik ataatsimiititaliaq allannguutissatut siunnersuusiorpoq, tassanilu ilapittuutigineqassaaq misissuinerup pissusiviusut tunngavigalugit annertussusianik aamma akissaajaatit pillugit sukumiinerusumik paasisaqarnissaq, taamaalillunilu Inatsisartut kingusinnerusukkut qanoq aalajangiinissaminnut naammannerusumik tunngavissaqalissallutik. Allannguutissatut siunnersuutip aningaasatigut kingunissai killeqartutut isumaqarfigineqarput, AC-millu sulisitap ukiup  $\frac{3}{4}$ -lianik sulisinnissaanik (kr. 375.000-t missaani) annerunerusariaqaratik.

#### **Ataatsimiititaliap inassutai**

**Allannguutissatut siunnersuut** matuma kinguliani **allassimasoq akuerineqassasoq** **ataatsimiititaliamit isumaqatigiittumik inassutigineqarpoq:**

*Nungusaataanngitsumik neriniartitsisarnerup misissorneqarnissaanut UKA 2017-imi siunnersuummik Naalakkersuisut saqqummiusseqqunissaannut Inatsisartut aalajangiiffigisassaattut siunnersuut, tassanilu misissuinermi periusissat, piffissalersuineq aamma akissaajaatit imaritinneqassapput. Misissuinermi neriniarfiusartut nersutaateqarnermut ullumikkut atorineqartartut eqqannguaniittullu aallaavigineqassapput, kiisalu nungusaataanngitsumik atuineq innarlinngikkaluarlugu neriniarfinni nerisaqarneq qanoq annertutigisoq attanneqarsinnaanersoq pillugu naliliinermik imaqaassalluni.*

Taamatut oqaaseqarluni isumaliutissiisummilu allassimasutut paasinnilluni Ataatsimiititaliap siunnersuut aappassaaniigassanngortippaa.



Karl-Kristian Kruse,  
siulittaasoq




Michael Rosing,  
Siulittaasup tullia




Ane Hansen



Jess Svane



Hans Aronsen



Villy Olsvig



Henrik Fleischer



Aalisarnermut, Piniarnermut Nunalerinermullu Ataatsimiititaliami Siulittaasoq Karl-  
Kristian Kruse  
Formand for Fiskeri-, Fangst- og Landbrugsudvalget Karl-Kristian Kruse

## Ilannugussaq Bilag

### UKA 2016/34-mut tunngatillugu tusarniaanermi akissuteqaatit assilineri Kopi af h ringssvar vedr. EM 2016/34

Matumuuna nassiunneqarpoq UKA 2016/34-imut tunngatillugu tusarniaanermi  
akissuteqaat.

Hermed fremsendes h ringssvar vedr. EM2016/34 som efterspurgt.

Inussiarnersumik inuulluaqqusillunga  
Med venlig hilsen

Nikolaj Jeremiassen

Aalisarnermut, Piniarnermut Nunalerinermullu Naalakkersuisoq

19-07-2016  
Sags nr. 2016-6067  
Akt. nr. 3172173

Postboks 269  
3900 Nuuk  
Tlf. (+299) 34 50 00  
Fax (+299) 34 63 55  
E-mail: apnn@nanoq.gl  
www.naalakkersuisut.gl





## Telefonikkut Iisimatitsissut Telefonnotat

Sullissisoq  
Sagsbehandler

Mikkel Bojesen (Departementet  
for Fiskeri, Fangst og Landbrug)

Sags nr. 2016-6067  
Dok. nr. 3757409

Oqaluusara  
Jeg har talt med

Josephine Nymand

Ulloq/piffik  
Dato/tidspunkt

13-09-2016

Postboks 269  
3900 Nuuk  
Tlf. (+299) 34 50 00  
Fax (+299) 34 63 55  
E-mail: apnn@nanoq.gl  
www.naalakkersuisut.gl

### Vedrørende: Efterårssamlingen 2016/34

Naturinstituttet bekræfter, at der mangler en dokumenteret kvantificering af markers græsningsmæssige bæreevne i relation til fåregræsning. Naturinstituttet anfører endvidere, at der vil være en anseelig geografisk variation i den græsningsmæssige bæreevne, hvorfor vegetationsundersøgelser bør dække de forskellige landbrugsmæssige områdetyper der findes. Slutteligt anfører Naturinstituttet, at flere års undersøgelser vil være påkrævet for at kunne tilvejebringe det ønskede datagrundlag.

Pinngortitaleriffiup uppernarsarpaa narsaatini neriniartitsivinni savat nerinerisa qanoq annertutigisumik nammassinnaaneranik uppersaatitalinnik misissuinerit amigartut. Pinngortitaleriffiup ilanngullugu oqaatigaa sumiiffinni assigiinngitsuni naasoqassutsip qanoq nammataqarsinnaatiginera allanngorartuusoq, taamaammat naasoqassutsimut misissuinerit sumiiffinni assigiinngitsuni ingerlanneqarnissaat pisariaqassasoq. Naggasiullugu Pinngortitaleriffiup oqaatigaa ukiuni arlaqartuni misissuinerit ingerlanneqarnissaat pisariaqassasoq paasissutissat naammattut pigilerneqassappata.



## Telefonikkut Ilisimatitsissut Telefonnotat

Sullissisoq Sagsbehandler	Mikkel Bojesen (Departementet for Fiskeri, Fangst og Landbrug)
Oqaluusara Jeg har talt med	Aqqalooraq Frederiksen
Ulloq/piffik Dato/tidspunkt	13-09-2016

Sags nr. 2016-6067  
Dok. nr. 3757409

Postboks 269  
3900 Nuuk  
Tlf. (+299) 34 50 00  
Fax (+299) 34 63 55  
E-mail: [apnn@nanoq.gl](mailto:apnn@nanoq.gl)  
[www.naalakkersuisut.gl](http://www.naalakkersuisut.gl)

### Vedrørende: Efterårssamlingen 2016/34

Konsulenttjenesten for Landbrug oplyser, at seneste data med relation til fåregræsning stammer fra undersøgelser fra 1980'erne samt andre mindre undersøgelser, der ikke var tilbundsgående, men dog nyere end 1980'erne. Disse omfatter kun græsningsområder i nærhed af hegn i forbindelse med hegnopsættelse. Samtidig anfører Konsulenttjenesten for Landbrug, at en enkelt sæsons undersøgelser ikke er tilstrækkelige, til at tilvejebringe det nødvendige datagrundlag for at understøtte en bæredygtig udnyttelse af græsningsområder.

Nunalerinermik Siunnersorteqarfik ilisimatitsivoq savanut neriniartitsivinnut tunngasunik misissuinerit paasisat kingulliit 1980-ikkunnili ingerlanneqarnikuusut. Taamanili misissuinerit annikinnerusut ingerlanneqarsimapput, 1980-ikkunniilli nutaajunerugaluarlutik neriniartitsiviit ungalutaasa eqqaani ungalunik nappaanerup nalaani misissuinerneersuullutik. Ilutigalugu Nunalerinermik Siunnersorteqarfik ilisimatitsivoq ukiup ilaata ataasiinnaap ingerlanerani neriniartitsivinnik nungusaataanngitsumik atuinissamut misissuinerit paasisutissanik naammaattunik pissarsinissamut naammaanngimmata.



## Allakkiaq Notat

Uunga  
Til

Fiskeri-, Fangst- og Landbrugsudvalget

13-10-2016  
Sags nr. 2016-6067  
Dok. nr. 3757409

Assinga uunga  
Kopi til

Postboks 269  
3900 Nuuk  
Tlf. (+299) 34 50 00  
Fax (+299) 34 63 55  
E-mail: apnn@nanoq.gl  
www.naalakkersuisut.gl

### Efterårssamlingen 2016/34

PANN-ip akissuteqaataa nutsigaq:

"Aluu APNN

Pinngortitamut, Avatangiisinut Nukissiuuteqarnermullu Naalakkersuisoqarfik  
(PANN) tusarniaanermut qujavoq nalunaarluni tusarniummut oqaaseqaateqarani.

Inussiarnersumik Inuulluaqqusillunga  
Med venlig hilsen  
Best regards

**Nathia Hass Brandtberg**

AC-fuldmægtigi . AC-fuldmægtig . Head of Section"



**Brevdato** 20-09-2016

**Afsender** Nathia Hass Brandtberg (Sagsbehandler, Departementet for Natur, Miljø og Energi)

**Modtagere** Officiel post til APNN Naalakkersuisoqarfik (Postkasse, Departementet for Fiskeri, Fangst og Landbrug)

**Akttitel** PANN's hørings svar vedr. EM2016 pkt. 34 svarnotat og oplæg til Naalakkersuisut

**Identifikationsnummer** 3594102

**Versionsnummer** 1

**Ansvarlig** Nathia Hass Brandtberg

**Vedlagte dokumenter** Aktdokument

**Dokumenter uden PDF-version (ikke vedlagt)**

**Udskrevet** 13-10-2016

**Til:** Officiel post til APNN Naalakkersuisoqarfik (APNN@nanoq.gl)  
**Cc:** Mikkel Bojesen (mboj@nanoq.gl), Camilla Østbirk (caos@nanoq.gl), Martin Schiøtz (MASC@nanoq.gl)  
**Fra:** Nathia Hass Brandtberg (nhbr@nanoq.gl)  
**Titel:** PANN's høringsvar vedr. EM2016 pkt. 34 svarnotat og oplæg til Naalakkersuisut  
**Sendt:** 20-09-2016 09:24:11

Kære APNN

Departementet for Natur, Miljø og Energi (PANN) takker for høringen, som ikke giver anledning til bemærkninger.

Inussiarnersumik Inuulluaqqusillunga  
Med venlig hilsen  
Best regards

**Nathia Hass Brandtberg**

AC-fuldmægtigi . AC-fuldmægtig . Head of Section



**NAALAKKERSUISUT**  
GOVERNMENT OF GREENLAND

Pinngortitamut Avatangiisinut Nukissiuuteqarnermullu Naalakkersuisoqarfik (PANN)  
Departementet for Natur, Miljø og Energi  
Ministry of Nature, Environment and Energy

Oq./Tel.: +299 34 67 19 . [nhbr@nanoq.gl](mailto:nhbr@nanoq.gl) . [www.naalakkersuisut.gl](http://www.naalakkersuisut.gl)